

哈密志卷之十一

輿地志九

鄉莊

東關鄉 西關鄉 北關鄉 西回王城 蔡把什湖莊 東台莊 東新莊 東回莊

黃蘆崗莊 烏拉台莊 磨房溝莊 沁城南莊 西莊 北莊 芟芟台莊 長流水莊

烟墩莊 苦水莊 沙泉子莊 星星硤莊 西新莊 頭堡 二堡 三堡 四堡

五堡 沙棗泉 鴨子泉 瞭墩 梧桐窩 三間房 南山口 石城子 羊圈溝 南

湖莊

格子烟墩泉水碑文

西塞沙漠荒遠古稱絕域凡行軍運馬每以缺水爲慮其白墩子至格子烟墩八站均屬郭壁雖有一二水泉鹹而微細康熙年間富將軍設防雍正七年岳元戎進兵暨以後之征防官軍屢次挑挖未得涓滴馬至二三百匹卽不能足飲爭擠吞砂每多傷斃我皇上德威遐敷遠邁千古乾隆內子歲平定伊犁羣酋稽首輸誠獨阿逆等負叛逃竄是以丁丑春復有

哈密志卷之十一

輿地志九

一

禹貢學會
邊疆叢書

申罪致討之役兵行甚急戰騎首要閣督憲黃公勞心焦思籌辦壯馬三萬良驥具備惟慮長途乏水遲悞奏明委余親詣查辦余受皇恩代庖燉煌當茲軍興重務惟有竭盡心力督挑晒挖不惟處處得水抑且反苦爲甘曩飲二三百牲畜不敷者今飲二三千人馬綽然有裕更可奇者格子烟墩地形高阜砂磧乾燥此番鑿井得泉水自石坂底孔穴中湧出深六尺許清澈暢盛滔滔博濟將弁兵民咸以爲奇此皆聖主洪福閣督憲忠誠感格在事官軍勤力實心故神祇效靈助國滅逆旣昭彰顯之德宜隆崇祀之誠於是耑員鳩工建修龍王廟三楹用答神庥余寡學不文略述端委以誌其盛云爾太子太保武英殿大學士兼吏部尙書兵部尙書兼都察院右都御史總督陝甘等處地方軍務兼理糧餉世襲雲騎尉紀錄九次黃廷桂賜進士第御前侍衛署理安西提督印務調遣甘涼肅等處戰兵總統哈密防務西寧總兵官加一級紀錄一次軍功加三等劉順署理統領駐防哈密官兵總兵官印務沙州協副將帶世襲二等子加一級紀錄三次祖雲龍駐防哈密管辦檔房事務安西提標左營游擊加一級軍功紀錄一次錢璽乾隆二十一年歲次丁丑秋七月吉日宛平劉順敬題勒石